


明子傳

共二冊

漢書門	二	三	〇	三
類	一	〇	三	〇
函	一	〇	三	〇
架	二	〇	三	〇
冊	二	〇	三	〇

內閣文庫	二	三	〇	三
漢書	二	三	〇	三
類	一	〇	三	〇
函	一	〇	三	〇
架	二	〇	三	〇
冊	二	〇	三	〇

內閣文庫	番號	漢	2303
冊數	2	(1)
函號	290		49



明才子傳卷之上一目次

明才子傳卷之上一目次

黃子澄

解縉

于謙

徐璣

呂原

高棅

丘濬

李東陽

陳倫

謝遷

王鏊

錢福

李夢陽

唐寅

王守仁

楊允瑄

董紀

楊慎

李本

唐順之

羅洪先

許穀

徐愛

屠應祥

李坤

豐景祥

李繼

三

何思

天世


陳

三





明才子傳卷之上目次



黃子澄 解縉 于謙 薛瑄

呂原 高輅 丘濬 李東陽

羅倫 謝遷 王鏊 錢福

李夢陽 唐寅 王守仁 穆孔暉

董玘 楊慎 李本 唐順之

羅洪先 許穀 諸燮 薛應旂

茅坤 瞿景淳 李攀龍 王樵

周思兼 王世貞 傅夏器 錢有威



王錫爵 許孚遠 歸有光 胡友信

鄧以讚 黃洪憲 孫鑛 趙南星

邢侗 馮夢禎 蘇濟 楊起元

顧憲成 李廷機 湯顯祖

李夢龍 曹寅 王守仁 薛上

高錕 王鏊 陸游

呂京 高錕 王鏊 李東園

黃子登 補器 千載 新

即卜子割才之土日六

明才子傳卷之十

清淵王介錫美申纂 男王九游龍甫校

黃子澄 洪武乙丑科

黃子澄原名湜江右分宜人洪武十七年貢入大

學明年舉禮部第一授修撰伴讀東宮累官至太

常卿建文為皇太孫時坐東角門謂公曰諸藩府

擁重兵柰何對曰諸王僅有護兵纔足自守万一

有變六師臨之誰其能支漢七國非不強卒底亾
滅小大強弱之勢不同而順逆之理異也建文即
位倚重公嘗曰願先生無忘東角門之語公遂與
齊泰議削諸王兵權且勸圖燕已卯耿炳文禦靖
難兵戰敗上問孰可將者曰李景隆文武全才也
帝然之親餞景隆於江許會文皇上書請誅齊泰
及公始罷兵黜公歸辛巳景隆復敗公悲惋賦詩
有尚方有劔憑誰借哭向蒼天幾墮冠之句公官
黜而復者再靖難兵至文皇收左班官負榜公為

首太倉衛百戶楊華縛公至京責問不屈族其家
公少受易尚書春秋負盛名孤耿自植臨難不移
科目中秉節烈者自公始

解縉

洪武戊辰科

樂文

文

文

文

解縉字大紳江西吉水人天性敏悟七歲能賦詩
日記數千言年十八舉鄉試第一成進士太祖親
授為庶吉士讀中秘書日侍左右一日寓大庖西
室諭之曰爾試舉今日施政所宜公即草封事萬
言以進上嘉其識擢監察御史適都御史袁泰怙

勢縱橫諸道欲糾之難彈文公揮筆立就上慮公
少涵養將為衆所傾召其父至諭之曰才之生甚
難而大器晚成且歸而子讀書十年來朝用汝未
為晚也歸八年太祖賓天來奔喪有劾公違詔謫
衛吏建文元年召入翰林永樂元年修高皇實錄
又修古今列女傳上親製文敘之甲申為會試主
考初上議建儲武臣請立漢王高煦公諫曰立嫡
以長況世子仁孝天下歸心復曰好聖孫謂宣宗
也未幾文皇欲征交趾公立言不可上遂疎公漢

王加譖為下詔獄卒獄中年四十七公以易儲阻
兵二諫獲罪洎宣廟初漢王果反交趾亦叛悉如
公言若留於仁宣時其功業豈在三楊下哉

于謙

永樂辛丑科

于謙字廷益錢塘人永樂十九年進士骨相異常
甫七歲僧蘭古春曰此他日救時宰相宣德元年
授御史從討漢庶人二就縛上命公數庶人罪
詞嚴義正上喜用公巡按江西五年河南山西災
上親書公名陞侍郎巡撫二省公湔剔馬政河防

民租軍賦諸所擘畫皆垂為成規正統元年上便
宜十事十四年也先入寇上北狩京師大震廷臣
爭劾王振謬國倉卒未有處分錦衣指揮馬順素
附振叱衆怒擊順死廷中譁甚公上陞止之又
請章皇后言順罪應死擊死勿論衆遂定王文端
謝公曰今日賴公鎮定若百王直何能為章皇后
陞公兵部尚書時內外注視倚公安危景泰元年
也先給言上皇還京京師戒嚴徐瑄創議南遷公
慟哭力言不可會也先邀大臣出議和公不聽也

先始遁去論功加少保上推誠倚重獨秉朝綱六
年大璫舒良等忌公群猜亦起奪門出上皇南內
復位石亨等遂誣公欲迎立外藩都御蕭維楨亦
恨公奏公謀叛當族不辨籍家無長物死之日陰
霾蔽空海內冤之成化二年復公位遣官致祭弘
治三年贈大傳謚肅愍万曆庚寅改忠肅

薛瑄

永樂辛丑科

薛瑄字德溫號敬軒山西河津人永樂庚子以父
司教鄆陵就河南鄉試擢第一明年登第就教職

會宣廟思振風紀群臣交章薦公擢御史英宗時
設提學憲臣欣然就之曰此吾事也任山東督學
首以朱子白鹿洞學規闡示學者生徒愛敬稱為
薛夫子中官王振慕公召為大理卿公不往見振
大怒繫公獄坐死公怡然讀易不輟大臣申救得
免已已起大理丞裕陵復位知公學行以禮部侍
郎兼翰林學士入內閣未幾曹石用事引疾乞休
從之行至中途絕糧數日及歸從友益衆道日進
嘗作詩曰七十六年無一事此心惟覺性天通卒

謚文清從祀庠廷公監察銀場時手錄性理大全
丁丑主會試以正學復性為言所著讀書錄河汾
集皆本性命明興理學首文清云

呂原 正統壬戌科

呂原字逢原秀水人父嗣芳萬泉教諭兄本景州
學正父歿景州不能歸喪奉母南旋家益貧攻苦
力學知府黃懋閱秀水學官文奇之對曰學官何
能為此乃邑生呂原作也懋即召公見衣藍縷与
之新衣不受辛酉雋浙闈第一捷南宮廷對第二

入翰林習訓誥景泰中與倪謙教小內官於文華
殿東廡上至廡中命公講堯典大悅進講讀學士
兼中允天順初改通政左參議陞學士未幾岳公
正同公上石曹眾狀留中不發石曹微覺遂謀摘
承天門災詔中語謂內閣臣訕上上厲声曰正大
膽故敢爾原素謹厚何至此公始得留重修大明
一統志充總裁以母憂去道景州啓父窆合墓哀
毀成病尋卒贈禮部侍郎謚文懿公在內閣六年
與李文達齊名公守正持重文達通達應酬故爵

位所至不同也

商輅

正統乙丑科

商輅字弘載号素菴浙江淳安人宣德乙卯鄉薦
第一乙丑會試廷試俱第一先是文運江右獨盛
有翰林多吉水朝廷半江西之謠自公以後江右
稍不及浙正統十二年選翰林官十人入東閣習
制誥讀祕中書公與焉己巳土木之變人心洶湧
公從群議請郅王即位力沮南迁英宗復辟盧忠
妄言南內事及黃瑗易儲議皆抑之己曹石用權

復數加裁抑被搆削職丁亥復原官入閣辦事言
官劾之上曰唐太宗用王魏朕用輅何不可有言
及邠王監國事者公輒辨景泰有社稷功力主當
復帝號上從其議成化皇妃紀氏誕育孝宗薨奪
于嫡將不成禮公引宋宸妃故事得贈溢恭莊僖
淑妃處兩宮之間順以濟險使存亡無遺憾者公
之力也馬鈞陽曰先朝賢佐商公第一楊文貞李
文達不及也丁酉乞致仕加少保卒謚文毅子良
臣翰林待詔

丘濬 景泰甲戌科

丘濬字仲深廣東瓊山人初授庶吉士居館職十
餘年博極群書經史百家箋疏今古文詞外家小
說靡不覽究成化元年為侍講修英宗實錄十三
年為國子祭酒十六年以少宗伯掌監事公嚴立
師道綜理詳密采諸儒言行著家禮儀節集朱文
公微言彙為一十篇倣論語為朱子學的以通鑑
綱目義重正統秦隋漢唐之間予奪太速稍次其
世變升降治亂大端與國統偏全作世史正綱又

著大學衍義補附以當世利害書成適泰陵即位
進覽上喜進大宗伯掌詹事府事時年七十餘矣
弘治四年憲宗實錄成召入內閣上時政疏凡十
餘方言七年加少保明年公卒贈大傳謚文莊公
好論議上下古今必高出衆論人莫能難如論秦
檜稱其有再造功范仲淹生事岳飛未必能恢復
許衡不當仕元諸說皆是也

李東陽 天順甲申科

李東陽字賓之号西崖湖廣茶陵人曾祖文詳以

戌籍隸金吾遂居京師父淳有善行一老叟為淳
擇地曰後必大貴既葬叟忽不見生公四歲能大
書景帝召見加諸膝賜宝鏹及上林菓六歲八歲
上兩召之試講尚書大義命肄京庠天順壬午公
年十六舉鄉試癸未場屋灾更試期登甲申進士
成化元年授編修十九年進侍講學士明年憂去
弘治四年實錄成八年歷陞文淵閣大學士十七
年祀闕里還上時政疏明年上不豫召受顧命康
陵即位加少傅時逆瑾恣暴尚書卿崔璿等為邏

卒誣公力救之御史張或忤瑾荷校公疏救都御
史楊一清逮繫至公又力救是夏旱朝有投匿名
數瑾罪者瑾怒群臣悉逮詔獄公又力救五年瑾
誅上以公有反正功加特進左柱國蔭子兆蕃為
尚寶丞七年上欲調邊軍衛京師公疏十不便不
聽遂乞休卒年七十贈大師閣臣楊一清為之請
得溢文正公慧悟夙成文章流麗又能獎進才雋
推挽賞譽夙顏所漸人皆嚮附事秦陵稱忠勤康
陵時周旋曲濟保護善類人頗思之

羅倫 成化丙戌科

羅倫字彝正一字應魁号一峯江西永豐人性慷
慨樂善不疑人欺遇事無所避丙戌對策時用伊
川語人立一日之間接賢士大夫之時多接宦官
宮妾之時少執政欲截其下句公不可直声遂震
奏名第一為翰林院修撰踰年上疏論時宰李賢
當終制辭甚切直上怒出公為市舶司提舉時編
修尹直引文彥博待唐介故事請賢留公賢曰潞
公市恩怨歸朝廷吾不可襲公雖見逐士論榮之

明年召還復為修撰居官日揚文貞為相以京官俸薄許得皂隸折薪錢著為例公獨不受歸結茅於金牛山取給隴畝常至絕火年四十八卒公為人以犯顏敢諫為先以救時行道為急於富貴利達澹如也章楓山語錄曰羅一峰氣魄大感動得人又謂我輩只可修政立事惟一峯可正君善俗耳正德中謚文毅

謝遷 成化乙未科

謝遷字于喬号木齋餘姚人會試第三廷試第一

授修撰癸卯陞右諭德弘治四年以少詹憂去八年与長沙同入內閣十八年上召至煖閣出大同鎮巡官奏章乞增兵馬上欲選京軍三万即日起行公諫曰邊市固急京師尤重地也居重馭輕必須內顧乃止已而邊事告寧公論躋之上大漸入受顧命康陵即位閣瑾專政公不得其職元年輔臣皆上章自劾公乞罷以應災變又舉吳寬王鏊自代既去瑾指公等為奸黨矯旨榜示天下嘉靖初遣使存問六年復召入內閣明年乞歸卒年八

十贈大傳謚文正公為人溫厚靜深以明義察理
為先在閣中劉希賢敢於任事而資公之謀斷李
賓之長於為文而資公之典則不激不阿号称賢
相

王鏊 成化乙未科

王鏊字濟之号守溪吳人年十六隨父讀書大學
侍郎葉盛試而奇之時冢宰王忠肅新逝盛曰失
一王翹得一王鏊安知非後來王忠肅乎甲午舉
第一乙未丘文莊知貢舉又第一廷試策已冠場

會商文毅秉衡寘第三嫌有軋已意故也仕編修
閉門力学避遠權勢滿九載陞侍講丙辰試士南
宮專尚經術文体一變公之力也弘治十三年遷
少宰火篩入寇上籌邊八事正德改元除侍郎進
文淵閣大學士上時政四事時瑾方威鉗士類苛
索微瑕輒加械死公謂瑾曰士可殺不可辱而
殺之吾尚何顏於此瑾恨洪洞華容及劉謝皆以
公救得免四年夏力求去惴々杜門瑾敗論薦交
章嘉靖初遣行人存問將及起用公卒年七十五

巡撫吳廷舉上言鑿高文清節守道見幾洞庭雲
臥望重東山震澤波澄名高北海乞與褒卹贈太
傅謚文恪公為詩瀟散清逸有王岑風格書法清
勁得晉唐筆意居鄉究心理李嘗作克己明理二
箴以自砥礪後世稱醇儒焉

錢福

弘治庚戌科

錢福字與謙号鶴灘華亭人公少而穎異八歲能
屬詞及長隆準秀目志意高遠為文章雄贍閎濶
藻思層出人取不足沛然有餘隨父遊京邸從楊

少傳一清李文正東陽李成化丙午汪公諧主試
欲元而止置第九名庚戌試名第一時汪復副考
得元鶴灘稱愉快廷試策三千餘言詞理精確如
宿構相公刘公穆以之贊不容口請於上又賜第
一授修撰公為人恃才任達為衆所忌故以修撰
終其官李西崖曰余常試與謙以司馬温公贊謝
文肅見之以為余作及詢知與謙嘆服不已若吾
輩論文皆當避序恤乎不究其用也公父夢人語
之曰尔子吳寬也時吳文定尚家食後連奉二元

果与文定相符

李夢陽

弘治癸丑科

李夢陽字獻吉号崆峒陝西慶陽人公一代異才
文章氣節直欲凌揚翰軼賈董而骨性鯁直彈人
過必痛劄始快亦不受抑權貴癸丑登第授官未
幾輒以觸權罷斥弘治乙丑以戶曹應詔上疏曰
天下之為病者二為害者三又為斷者六蓋大半
指侯寧侯驕恣也於是皇后母金夫人及壽寧
侯張鶴齡啣公訴于上請旨下獄上不忍批令復

職次日華容刘忠宣面上曰近外事若何對曰
無他事惟奉旨釋李夢陽中外歡呼耳上曰夢陽
疏傷戚畹左右欲置之死奈何使朕有殺直臣之
名乎正德初督學江右寧邸慕其名託以詩文會
巡按江萬實隙公將誣以通謀公不屈与江君訐
奏罷歸後宸濠誅公亦繫獄且論死尚書林俊惜
其才力救之得免公退居著書講李文名愈盛初母
娠公時夢日入懷故名後病夢日沈海中公卒

唐寅

弘治戊午科

唐寅字伯虎一字子畏号六如吴縣之吴趨里人
戊午举乡试第一己未程篁墩与李西崖主试未
揭榜科臣華昶奏主司鬻題詔下昶獄重李西崖
重阅试卷事竣同考林廷玉復疏程敏政場屋可
疑六事黜举人徐经等十餘人公亦株累罷為吏
謝不就公才高嗜声色既坐廢益放浪名教外始
為詩竒麗自喜晚節稍放格諧俚俗冀托於風人
之旨常令人解頤画品高甚在五代北宋間常一
赴宸濠聘度有及形無以謝絕乃陽為清狂不慧

以免公其知幾守道卓然君子哉不獨以藝終也
年五十四

王守仁 弘治己未科

王守仁初名雲以孕公時有五色雲入懷也後有
僧嫌名露天機改今名先世琅琊遷浙之餘姚字
伯安号陽明父華成化進士第一人携公北上十
一歲過金山公賦詩客大驚壬子举乡试登弘治
十二年進士授主事刘瑾乱政首抗疏乞誅瑾
怒縛杖闕下謫龍場驛丞正德四年陞廬陵令明

年瑾誅由刑部歷考功郎轉大僕少卿巡撫南贛
削平劇盜破泃頭城班師至贛設社學教子弟歌
詩習禮風俗為之丕變十四年宸濠及公奏檄召
兵出奇破之獲宸濠時朝臣素通宸濠在上左右
頗有異謀內閣大臣亦忌公久不行賞嘉靖改元
詔錄公功封新建伯遠使迎至京宴勞諸忌者嗾
言官論沮公未至京師即累疏辭封不允嘉靖五
年岑猛叛兩廣聚兵討猛殲其黨盧蘇王受相
結再叛起公代姚鏌討之公至蘓受等自縛來降

又擊八塞諸賊誅斬萬計捷奏桂文襄素忌公言
公挾詐專兵時公亦病至南安卒嘗曰良知二學
實千古聖人相傳一點滴骨血也既被譖爵位贈
謚俱不行且下詔禁偽學萬曆十二年復公爵從
祀孔子廟謚文成

穆孔暉弘治乙丑科

穆孔暉字伯潛山東堂邑人早負文望鄉之士大
夫咸憚服之弘治甲子王陽明主試舉公第一成
進士改庶常授檢討時閹瑾勢燄卿佐皆伏罪跪

拜公挺正不屈与安陽崔銑独長揖而已瑾怒矯
旨出公南部主事瑾誅復原官嘉靖初進侍講立
順天鄉試徙學士以忤時宰改奎卿陞南太常尋
致仕公有俊才工古文詞行己端雅去官研摩六
籍潛心聖學平生無疾声厉色變故粹至神氣坦
然人嘗比之程伯子所著有讀易錄尚書困學諸
史通編大學千慮四史弘裁諸書居官三十載茅
茨僅掩風雨嘉靖辛亥十二月卒朝議追公講讀
勞恤典独厚贈禮部侍郎謚文熙初莊廟時給事

石星以直言觸上怒廷杖午門上親御五鳳樓察
杖者且命中朝閹吏毋納給事從人公恐星斃枝下
先以義白緹帥而身自掖蔽星之不死公實生之也

董玘 弘治乙丑科

董玘字文玉号中峰浙江會稽人幼奉神童會試
第一人廷對第三授庶常時璫瑾勢燄楓公入門
下公正色拒之瑾怒出公為縣令瑾敗復其官嘉
靖初議郊祀大禮疏数千言考古証今詳核無比
入名臣奏議中公博學能文性峭直始為吏部主

事好推獎人材有鄉人以瀆禮至者則拒不錄公
由此叢怨後落職三年方白壬午主應天試丙寅
會試副考皆有盛名來蒞泉嘗曰文王一生學力
在熟朱子或問蓋于理窟中鑽研得力故行文不
事彫琢自成大家嘉靖丙午以經筵日講官兼吏
部侍郎尋卒謚文簡

楊慎

正德辛未科

楊慎字用修号升菴四川新都人生而穎悟九歲
瀆三經觸目能默誦舉筆千餘言不易稿辛未會

試鄒東廓第一公第二廷對賜狀元及第時人以
公為太保廷和之子議曰宋太宗朝呂蒙正李昉
為相正弟亨昉子宗諤既經廷試以父兄故罷重
令典也明景泰時大學士陳循王文子遺鄉試至
自訟正德戊辰閣臣焦芳子黃中不得狀元及第
至降調諸翰林故是科不得不爾特以公才學不
愧科名海內傾服不然有不貽公以父得元之譏
乎居翰林十年才名愈盛嘉靖改元以議禮謫戍
時論惜之丁酉科臣田濡陳弭災三事請宥公眾

疏上不允公退居林下窮討古蹟延搜百氏作冊
鉛錄佐古今書史所未逮生平孤峻自喜不以聲
色累初寧庶人聞公名以纁幣索文公不受并不
答一札居官日有因太保趨附門下者必正色謝
絕故稱文品兼至云

季本

正德丁丑科

季本字明德号彭山會稽人少受春秋於其兄木
遂以經名諸生中後聞新建良知之旨窮年研究
歷仕與處從遊者數百人所著春秋私考廟制攷

義續禮疑圖四書私存孔孟圖譜樂律纂要律呂
別書著法別傳說理會編詩說解頤易學四同凡
十一種為言數百餘萬悉破故出新歸於自得以
進士筮理建寧會寧藩變公提兵壁分水關院史
某以鄉試分授檄公亡堅辭勿往即得罪弗願也
嘉靖初遷御史以慈壽太后及肅皇后兩宮故批
鱗得謫浮沈二十年終長沙守公為政急大節畧
小嫌絕不知有世情居父母喪兩制足不入私閤
事其兄問膳視寢雖皓首不改其孝友篤至如此

生平不事產業家無遺貲沒十二年鄉人景其賢
爭出金構祠以祀門人徐渭為之記

唐順之 嘉靖己丑科

唐順之字應德号荆川常州武進縣人戊子薦第
六明年張永嘉知貢舉因久困公車囑試官取老
成宿練者為元己得公年甫弱冠訝以為貴初授
庶吉士改部曹復擢編修告病忤旨歸後選宮僚
起太子司諫公守道直己不顧忌諱与趙浚谷羅
念菴請朝東宮削籍戊午奉特旨查薊鎮兵馬公

年已晚矣議者言公干分宜而得節鉞蓋謂此也
旋以都御史視師浙直与宗憲胡公惻剝倭寇獲
大功庚申巡撫淮揚卒於官公博聞強記於六經
子史及兵法律數無不悉究尤尚精舉業至老不
倦故教學里中有教學文官稿有吏部時文有中
丞時文居官惟鞠躬盡瘁死而後已及疾篤乃曰
死固吾事迨得良死舟中矣詔賜祭葬立祠揚州

羅洪先 嘉靖己丑科

羅洪先字達夫号念菴江西吉水人年十四聞陽

明講學於虔慨然有志于聖賢之業弱冠舉于鄉
以父學副公循疾輟會試己丑舉南宮廷試第一
時年二十五在館与改陽南野諸公論學歸輒綴
記尋讀父礼又丁内艱補官僚抵京唐荆川趙浚
谷慕公道義每師事之日相期以天下自任嘉靖
十九年儲位未定闻有他議公上疏請皇太子于
元日御文華殿受群臣朝賀上怒謫為民由是退
居講學行教于吳楚間生徒遍滿天下公于制義
劇切濂溪与王唐頡頏致知之學又為陽明嫡派

所衣無幣帛每至絕炊乙丑公年六十一病劇門
人睹無長物曰傷哉寔也公曰貧固吾志奚咨嗟
若是遂卒溢文恭

許穀 嘉靖乙未科

許穀字仲貽号石城南直之上元人為入潇洒恢
廓胸次洞豁無纖塵為累於古今載籍靡不該洽
為博士弟子即以文辭称乙未孝士張崇象蔡鶴
江為主考置公第一海内遂以知人歸二公初授
計部歷南京大常丞忌者以浮論譖公七就道無

戚色再起南京尚宝卿公故住留都而仕輒不出
其鄉忌者又將抑公遂告休芟菜構園亭登臨詩
酒油然自樂又遍遊吳楚諸名勝地所到詩賦盈
几篋延訪名流惟恐或失悠擾數十年以眉壽終
所著有二臺稿外臺稿武林稿省中稿歸田稿諸
書學士大夫爭購而藏之為帳中秘王槐野嘗曰
石城之文不為雕刻苛碎匪惟極塵外之致兼有
雲山韶籟之音是言其制義而古文辭則亦有然
者也

諸燮

嘉靖乙未科

諸燮字子相号理齋浙江餘姚人公深於經術覽
群書入目即能誦誦畢即棄去性脫畧不耐羈縛
常讀書石匱山文思所至輒繞溪疾行一日興致
勃發至入深山數十里竟迷歸路為文如江流河
溢淋漓不竭用古據典詳確無倫同學中皆欲窺
公秘笈公實無有也甲午舉於鄉乙未主試張文
簡夙有文望居石城第一方山第二公即第三人
也筮郎曹無仕進意惟以授徒給生計耳既歸恒

布衣行市中若無名秩者當時評其文曰不衫不履如物外遺人此言為公省像矣昔謝太傳文正嘗延於家與其子謝公丕及其友呂公本同肄舉子業太傳閱其文曰之三人者爵位不及南渠文名當遜子相後呂公本官至大學士而謝公丕亦以探花列禁清班公官不甚顯而理學播聞天下悉如太傳言

薛應旂 嘉靖乙未科

薛應旂字仲常号方山常州武進人公博綜古學

過目輒成誦作文承震沃荆川之統而擴以典雅為人端方持正凜凜不可犯甲午舉省試明年石首張崇象嘉定蔡衡仲主會試填榜時持許薛二卷移畧不定既以薛卷近經術而許卷清夷遂元石城公即第二留部數年督浙江學政釐定文俸待士子嚴而有禮甄別不爽裁定兩浙通志後人有薛夫子之稱丁酉主闈試時圍文多用莊列語怪僻不堪公禁絕之闈風大振尋以例調外嘉靖二十五年尚書唐純科臣游震得吏疏稱公任事

忠直嫉惡如仇有古純臣風清復其京秩詔從之
壬子主浙江試乙卯主陝西試以公有衡文之名
故也著述不下數百卷而憲章錄一書尤為有裨
于世

茅坤 嘉靖戊戌科

茅坤字順甫号鹿門浙之歸安人姿神韶美性警
穎日誦千言為諸生時即有馳騁千古之思抱卷
吾伊盡丙夜不少輟甲午舉於鄉又三年成進士
會世宗崇時祠執政羅天下文士撰清詞供祀釐

意屬公曰吾何辱三寸管作宰相私人耶執政
啣之渴選得青陽令丁父艱補丹徒令多善政其
救荒策大畧似富鄭公趙閱道而勞悴過之召為
儀部郎徒司勳与當事不合滴廣平判公牢騷不
平盡發於文章沈鬱頓挫若河津巨梁觸石而走
万里於是學日富而文乃益工無何召還以儀部
僉憲廣西府江部稱最險穰犄雜居古田鬼
子等若鷲甚剽陽朔殺其令公以鷓勦法連破一
十七砦斬五百五十人捷聞天子晉公爵二級事

詳王司寇陽朔紀事中癸丑迂大名兵備做古偏
廂軍法作車五百乘禦寇基者齟吾公竟瀕據細
事奪官歸棲遲苕霅上五十年於書無不讀為文
嗜班馬次蘓不爭奇於字句間所著白華樓稿玉
芝山房稿毫年稿雄渾灑博真古今鉅鹿之觀也
子國縉御史改水部郎

瞿景淳

嘉靖甲辰科

瞿景淳字師道始家昆湖傍學者稱昆湖先生公
七月能誦詩八歲能屬文為經生業文思川湧雲

聚頃刻數百千言試有司輒不利業日益精學院衡
水楊公拔公第一試南闈侍讀華公於棄卷中搜
取置十六明年會元及第授編修三年分試禮部
尋冊封懷慶諸王再分闈歷九載迂侍讀累晉翰
林院學士佐部事請告不允留侍經筵修實錄復
疏乞骸骨歸不及一歲卒諭祭二壇贈禮部尚書
溢文懿公為人孝友篤至為諸生負甚教棄不色
戚既第日隆貴不色喜貌不及中人氣節嶽嶽不
可奪故王弇州曰以瞿公之渺小言天下事挺勁

不阿寧可皮相也太史公之致慨於留侯有以哉

李攀龍 嘉靖甲辰科

李攀龍字子鱗山東歷城人其家近東海因自號
滄溟云父寶以貲事德莊王為郎母張夢日入懷
生公甫九歲而孤誦讀不輟晉江王慎中督山東
學政竒其文擢冠諸生庚子舉省試第二人又三
年成進士授比部居曹之暇悉取諸名家言讀之
以為紀述之文當公自主政迂副郎歷正郎曹事
寢劇而文法無害其業益進日与同舍郎徐中行

梁有譽王世貞及吳舍人國倫宗攷功臣劇切千
古為社會有所賦咏人之意自得最後公出片語
則人之自失咸推濟南竒絕峨眉天半蓋實錄也
守順德多畧政擢副陝西憲督學政忤督撫殷君
拂衣東歸構一樓東眺華不注西揖鮑山曰他無
所溷吾目也復起浙海道轉少參齋捧入賀迂河
南廉察丁太恭人艱歸里哀毀致病尋卒年五十
七所著白雪樓集三十卷行於世子駒博學能文
章有父風

王樵 嘉靖丁未科

王樵號方麓金壇人筮仕得行人歷刑部員外郎以執法梧抵分宜引疾乞歸高臥不起垂十四年臺省文疏薦公起浙江憲副迂江陵廼以星變自陳得解任江陵敗擢公原職累迁南京右都御史仕輒所至峴石累一公為人恬默靜慎雅稱寬簡然能使人不敢以私干豪石懾息講國家吏事旁達洞解不肯驚於局外若世人插標樹羽沾一徇名者之為者為西曹時有手纂讀律私箋謂人曰

士大夫以留心案牘為俗吏文墨詩酒為風雅夫飽喫官飯受成吏昏而謂之風雅可乎及林下時徒步里中與後進敵禮與負擔讓道浣衣脫粟撲連如野僧寒士郡邑大夫有終任不識面者所著有周易私錄尚書日記詩考周官私錄春秋輯傳四書紹聞篇行於世子肯堂官詞林即世所稱宇泰先生也

周思兼 嘉靖丁未科

周思兼字叔夜別号菜峰松江華亭人自幼才氣

橫溢下筆每千言兩試南畿皆以文侷踰格為監
試所抑癸卯歌鹿鳴登丁未進士知山東平度州
美政不一庚戌入覲時分宜用事計吏多有饋遺
公僅持一詩為贄分宜知其廉亦報以詩辛亥擢
膳部員外郎督廠臨清弊盡剔常呼吏卒滌階曰
毋污我階甲寅晉水部郎巡惠通河滿三載僉憲
湖廣墨吏豪民望風屏跡兩臺薦疏皆極揄揚公
己丁內艱矣終南制後時或操小艇携圖書教卷
嗜詠自得未幾超拜廣西督學不聞新命卒年四

十七溢貞清公少豪於文駕軼蘇氏詩歌類太白
已稍出入政曾博綜王孟善行草兼工小畫評者
謂得趙丞相米南宮之趣晚年悉歛而焚之一意
靜修學道所著有西齋日錄學近紀言行於世病
中語門人曰蟬蛻人欲之私春融天理之妙南軒
此言殊有意會又曰丈夫當為百世謀若娛悅目
前釜魚幕燕耳其究心於理孝如此

王世貞 嘉靖丁未科

王世貞字元美号弇州太倉州人年十五咏實刀

詩彷彿盛唐弱冠成進士自尚書郎歷卿長凡四十年條對封事為賈長沙陸敬輿所不及吏治所至無弗神絕而青州治盜及楚中樂平王事為最著公生而美姿貌風采玉立與客談笑溫雅之氣溢眉目間語古人忠孝節烈則慷慨淋漓不置父都御史忤劾分宜獲罪死東市其居喪也凡三年始茹葷御室嵩敗公訟父寃詔復原職始具衣冠預燕會每與吳國倫宗臣徐中行李攀龍謝榛梁有譽論文作賦著觥甄洞稿海內有七才子之稱

然公又好推歷城而遜其弟敬美生平于故旧兄弟白首無間言楊忠愍公同年友也刑時人不敢前公執手泣訣且收其骸經紀喪事尤人所難得世書則有四部稿續稿弇州別集觥不觥錄若干卷

傳夏器

嘉靖庚戌科

傳夏器字廷璜号錦泉福建南安人自幼以秀慧聞閭里長嫻經術揣百家諸子之深而自為鎔鍊尋以諸生高等奉賢書乃教竒久困公車陸平泉

瞿師道常企重之至庚戌年已暮暮公力愈強志
愈銳於制義日益討論技乃無匹時章華陽分枝
禮闈首薦公卷大學士張文邦擊節賞之及拆号
見公名嘆曰吾釋褐時耳稔傳廷璜今其人猶在
非華陽薦又失之矣謁選得即署而公亦不沾
祿位凡三迁至工部郎中即告歸垂老不親卷尤
喜与經生談舉子業所著詩騷文集悉棄去故所
傳無幾李滄溟曰錦泉文極理奧尤最尔雅而鴻
逸不羈之氣充溢筆端視彼曲逐事變模写相役

者徑庭矣海内以為知言

錢有威 嘉靖庚戌科

錢有威号兼山南直常熟人公聰穎天成尚心經
籍為文簡直中有理致不作奇澁語貌春容謙雅
抑々如不勝至如是冰義利則確乎不可拔已酉
高安純教之以侍讀學士主應天試舉公於鄉文
声噪甚与邵小虞初名時人稱為錢邵明年捷禮
闈是科禮部尚書大學士張文邦治吏部左侍郎
兼學士政陽崇一德知貢舉以傳廷璜為元而公

名最殿乃後人言文者竟至左兼山而右廷璜黃
真父曰元者知其能文者不必皆元所謂相
馬不以其肥也此言足以喻兼山矣

王錫爵

嘉靖壬戌科

王錫爵字元馭号荆石太倉州人嘉靖戊午魁應
天壬戌會試第一人授編修充溝瀆万曆癸酉主
順天試甲戌同考得人最盛丁丑晉礼部右侍郎
是年十月江陵奪情觀政進士鄒元標抗疏杖闕
下公独請省覲客曰相君忘其親而特省父無乃

形若短乎公曰吾知吾父惶恤其他後江陵敗人
爭搏擊公独持平其間既入相以朝廷裁恩澤士
大夫重廉耻為第一義辛卯加少傅癸巳屢請冊
立語極痛切以言即不行遂請去著復河公議為
一朝經濟名言丁未上特諭召公辭辛亥卒謚文
肅公為文綜括漢唐一振嘉隆風氣後人謂法嚴
遜荆川養粹遜昆湖骨貴遜定宇而昌明博大跌
宕開摠未有如文肅者也子衡舉戊午第一礼部
郎中高桂以衡為輔臣子上疏論之覆核准會試

公始辨明辛丑殿試賜衡一甲第一文名最著

許學遠 嘉靖壬戌科

許學遠字孟中一字德中号敬菴德清人举乡薦
即從得安唐一峰先生講聖賢之学登壬戌進士
授南虞衡主事有廉明聲調考功又调小谿勸忤
蒲州楊襄毅再忤新鄭高文襄又忤江陵屢滴屢
起馭歷中允皆著偉績任粵東僉事遇倭警公草
舟出海諭降大寇李茂擒倭黨七十餘人後巡抚
福建倭寇朝鮮廷議封貢先生謂端嚴矣於閩海

不宜造次遂募死士徃倭偵之悉得其詭謀并諸
島酋相讎狀即抗疏言擊之為上策禦之為中策
止其封貢卒之倭患得息者用公之中策也尋佐
南枢以病歸居家不殖產業孜孜以講学為務生
平質直磊落不事藻飾常以身驗学遇人無厚薄
咸以誠吐卒贈工部尚書予祭墓其門人最著者
山陰刘念臺先生長洲文湛持先生

歸有光 嘉靖乙丑科

歸有光字熙甫号震川崑山人生而美丰儀性渊

沈於書其所不讀而尤邃經術長于制科之業方以久資膺貢尋舉天省試第二人然數奇八上春宮不第行年六十而成進士又不得館選出令湖之長興縣踰三年僅遷判順天府幸座主高新鄭以大相秉銓衡拔公為大僕丞尋以大僕入司文淵閣制勅稍繁舒而臺使復苛摘之置拾遺案公方疾薨不樂卒公于古文詞本之史漢而大較折衷于韓歐制義之業自少年即負盛名當困抑時更精研闔闔之說而特展文運故是科振嘉業

之衰開隆萬之盛謂之文字中興而先生又為中興第一人

胡友信

隆慶戊申科

胡友信字思泉浙江德清人公少負絕識以博學能文著名海內尤熟唐宋八大家文嘉靖乙酉薦賢書後多不遇庚辰計偕呂南渠拔會試第三人因其卷失火遂下第南渠嘆息累月出闈即清謁以其文梓而布之至隆慶戊申句容李公春芳武定殷公士儼主試始雋南宮是時已七赴公車矣

田鐘台嘗曰思泉文氣格清高而發以冲夷非穢
者不能粹辨然文章自有定價余即冠禮闈不無
媿於思泉乎公既受職旋以浮議抑歸遂不出其
於文字之報俛得之亦俛失之矣遇合固有命哉
公一生摩切舉業而善得震沃毘陵二派揚維斗
曰嘉隆間規模先紫而以其中正者惟思泉先生
一人鄭峯陽亦曰思泉之文深於王唐者也至清
微雄渾公能兼擅其長

鄧以讚

隆慶辛未科

鄧以讚字汝德号定宇江西新建人丁卯取於鄉
辛未江陵主會試擢第一人廷試賜進士第三人官
編修不妄交遊慎取予茹茶飲水嘯吟自若万曆
初江陵當國欲重用公之時有匡拂江陵不喜遂
請告山陰王就谿諱學西泖公性叩就谿問曰子
何功對曰此休也止即以是止為功又問曰信均
良知否對曰惟以知是知非為良知竊恐學者妄
認身龍窟肯肯之江陵專甚群望公出山言或有
入公原官所條對終不行復歸里有友人以用世

進者公語之曰學不到舍我其誰終非天民嘗書
屏几曰吾學用功實基於潛如龜不在能見能為
而在能潛倘乘雲霧上天使人窺一鱗一爪何
以霖雨天下易之密書之微詩之錮皆是義也戊
子臺省特疏起纂修不起辛卯起宮允已拜司成
晉吏部侍郎兼大計人咸稱服亡何署宗伯疏請
建儲至再至三忽有三王並封之旨公抗疏力爭
事遂寢尋以內艱感疾端坐而逝守臣以少昭贈
禮部尚書溢文潔

黃洪憲 隆慶辛未科

黃洪憲字懋中号葵陽浙江秀水人公為諸生時
氣溢而材橫作文如飈馳電掣使人不敢正視居
業既久文益堅老矩矱凝然為人孤耿峭直而不
阿權貴丁卯領鄉薦第一人辛未試會試第二人
由庶常遷編修時詔釐文体而氣習未除公以為
正文体必先端士風一一例濶欲正其由即疏陳
六事一曰去浮靡二曰止奔競三曰明是非四曰
禁佞諛五曰禁黨錮六曰禁浮談凡此條條備中

竅曲館院中咸推服之万曆初与定宇鄒太史同
忤江陵公先定宇辞歸丁丑江陵奪情定宇以抗
疏廷杖公時已家居嘗曰定宇俟其失節而攻之
予先于盛時而避之定宇固焦以燭額之客而予
實曲突徙薪之人蓋白言見幾明決也易曰知柔
知剛万夫之望先生之謂哉

孫鑛 万曆甲戌科

孫鑛字文融世居餘姚忠烈公燧之孫文恪公陞
之子也文恪有子四長鑛為冢宰次鋌南京少宗伯

次鏘同寺正卿次即公自幼端重寡言從兄鋌
受易嘉靖戊午以父廢入南雍庚申文恪公卒歸
葬於邑耽味群書學愈闢博庚午亂於鄉辛未不
第司寇朱衡均公文讀之嘆曰此君即魁天下矣
甲戌果會試第一授職方主事至壬午凡六迁為
考功郎中癸未掌銓選甄敘才品首忠鯁從戌籍
中簡鄒公元標入諫垣甲申遷太常鄉丁母憂棲
息月山旧庐七年海内衿月峰先生蓋以是也壬
辰巡撫山東吏民德之迁刑部侍郎乙巳進南京

大司馬戊申乞回籍辭柩歸里怡然自適公學宗
薛文法趙文甫而竭忠謀不別法王端毅楊襄毅
所著有名世述人傑編後越絕書書畫跋居業初
編次編餘編會心案晶盤雪里居樂事諸書所纂
則有班馬異同太史真筆周人輿古文四作廣古
文短編今文選唐詩品排律辭作坡為食飲錄至
所評經子及諸史名家集批閱精詳尤古來文士
所未有也

趙南星

萬曆甲戌科

趙南星字夢白真定之高邑人隆慶庚午分闈井
陘令鍾馥齡夢大鶴垂翼蔽空而至乃得公卷故
号儕鶴三年成進士理汝寧改戶部郎舍江陵病
臥朝臣多手湯口藥進公独不一性時論多之徒
文選有剖露良心直陳時務一疏內掎擊數人不報
引疾歸復召為考功孫月峰嘗曰武進居太常部
邑趙考功此余之諒友也舍大計摘權要教人至
削籍家居二十八年光宗登極擢奉常未赴工部
侍郎闕交疏薦公既任事旋總西臺晉家宰奮力

仔肩有再剖良心疏無錫高孝純公門下士時迂
左都御史與公同時秉政矢志激清有御史崔呈
秀貪穢彰同回道糾劾呈秀啣之投魏園指公與
掣純師生亂政同日放歸且滴戍代州至代州著
書不輟史韻一書則公之絕筆也閱三年廷臣請
復公官賜祭贈謚忠毅公公為私子業凡三喪所
傳者則正心會業居多焉

邢侗 萬曆甲戌科

邢侗字子愿別号来禽主人山東之臨邑人公生

而穎異才名籍甚重交誼居則客滿座上遊則一
飯三倒屣為古文詞舌本靈變臆若藟姑仙子
不食人間烟火制藝亦復如是年十八遂膺拔貢
擢省試又六年成進士高第累官山西道御史遷
太常卿公居臨七世累代科第不絕故寧州有邢
氏志畧書法工於臨晉均義獻之神常占董思白
李本寧王百穀馮元成以詩文性來烈奇謂之五
君詠畫止作竹石常語人曰世最賞余書次詩文
然都不如畫佳也蓋反言以自喜云

馮夢禎 万曆丁丑科

馮夢禎字開之号具區浙江秀水人為人恂恂和易体不勝衣覽群籍必有獨得四方士多趨其門隆慶甲午私繙試兩赴春官不第極力摩荆川文作五易稿丁丑會試蒲州張公鳳盤得其卷嘆曰此正嘉盛軌也定宇文融不足以當也矣私第一授庶吉士給假告歸時浙中庶常四人留其三公尚補別署蒲州憂之且首相張文忠子居二甲公遇之無加礼張怒言於父以用之特會元必留館職

乃尔將抑之蒲州計其所出命公駐郊外俟江陵有家慶往拜甚恭而微作悒悒狀江陵歡問故蒲州蹙額曰憂馮子缺職未定耳江陵慨然曰彼名元應以編修与之後入朝補職居史館十年載累陞南京太子監丞酒以取賢之道暢厉諸生恩義資人如彘築饑粒士子愛戴不啻慈父母公為一世外子仕進意乞休得作晚年剞劂四十首占野衲村豎為傲湖山不及召用而卒

蘇濟 万曆丁丑科

蘇濟字紫溪泉州晉江人為人篤孝友崇簡樸耻
與輕儇伍讀書焚膏永夜常至忘寐一時有武庫
之稱海內聞人執經問業者履滿戶外癸酉郭青
螺歲公舉鄉試第一明年不第丁丑又見知於學
士申瑤泉魁其房與馮琢菴楊復所狎主道盟為
中原鼎峙筮仕主事徙禮部員外郎持節侃侃所
陳說者皆綢維世道之說甲申遷浙江掄孝念事
率先實行為多士標準雖在尚塗弗敢以請牘進
校童子不由郡邑試拔觀場後成名進士者如尹

柱南陸景鄴諸君未易更僕也丙戌事竣疏請祀
駱賓王崇其祠於婺州陞貴州觀察使屢乞請歸
沼可之建書沈與紳士大夫講孝其中又手定綱
目通鑑及左玉經子諸書卒之日聞者莫不大息
焉

楊起元 萬曆丁丑科

楊起元字真復粵復所廣東陽善縣人弱冠賊躡
東平為亂無所掠公從容賦詩賦異而款之丁卯
舉鄉試第一三試南宮不售丁丑成進士以庶常

授編修分丙戌禮闈是歲冊封崇藩取道盱江執
轡羅近溪先生往復參證因悟性本之宗乃曰吾
今日如客以歸矣因次近溪舍說一為答問集一
乃識仁編戊子校士八閩試策大祭所學辛卯充
經筵有崇聖志勤聖學疏丙申以祭酒徙少宗伯
會皇陵功成上命祭告公至中都士大夫暨子衿
問學者滿戶外公以中為首章及復用渝多有興
起者丁酉秋因災異復上恭勸學疏召為吏部
侍郎未行而母夫人卒于官舍遂扶櫬還家毀之

條感寒疾而卒所著有證學篇楊子學解論學存
寄稿楊子格言揚子政序輯白沙證證道書義
行世

顧憲成 萬曆庚辰科

顧憲成号涇陽南直無錫人萬曆丙子領應天鄉
薦第一又三年成進士与魏崔溟祈名故時人称
庚辰科起衰扶弊大雅不墜顧魏兩解元之力也
授戶部主事与同官魏允文刘廷蘭矯持名節
江陵病部司官咸請禱祀註公名公聞之拂然立

削去江陵死以母春秋高告序閉戶讀六經不輟
丙戌起驗封司跡救何起鳴忤旨降桂陽州判官
昔蘇柳二公及明莊定山俱貶是州人士望公式
臨如三先生執經就業者戶履常滿轉處州泉州
兩司李大計去庸靜寡欲第一人擢考功主事尋
領銓事為群小所排削籍歸後遊日衆伯子顧允
成崇尚名理析狂狷二說公以中行進之時稱顧
氏叔季為聖門功臣又与高大行孝節等闢東林
書院一時声氣咸集互相標榜傾動東南且作寤

語寤語貽王大倉觸時滯下石者盈朝遂以公所
与同志者目為東林邪黨魏忠賢痛恨東林擊殺
殆尽又立碑如元祐故事公死後十五年猶以黨
人奪職丁卯思宗登極贈吏部左侍郎謚端文

李廷機 方曆癸未科

李廷機字爾張号九我福建晉江人公少長京師
庚午領順大解申瑤泉學士慕公名留為館賓轉
館董宗伯歸而退居深山不事于渴凡五科至癸未
會試又第一申少師正當國欲以鼎元与之有東

閣某謂三元不可輕許乃以朱養淳國祚為第一
賜公榜眼及第授編修改留都祠部兼攝水部緡
紳過公者謂曰公列禁清華亦親俗事乎公忘聲
曰有俗人無俗事國家大務何者為俗也丁未上
知公清慎拜東閣大學士兼禮部尚書祖制闡人
不相相之自公始也既而與朱金庭葉臺山同居
東閣以上勸於政事上治安要務疏一曰清治源
二曰勤晉接三曰惜民財四曰端士向五曰禁奢
靡語極典切不報在政府六月疏凡四十餘上俱

不報即杜門乞休所著九邊屯政考及宗藩歲祿
疏數千言實廟堂良策也今入名臣奏議中入真

湯顯祖

萬曆癸未科

湯顯祖字若士号海若又号義仍江西臨川人公
生而白皙眉目秀朗年十二讀諸經史殆盡隆慶
甲午采鄉試上公車者五輒踞所至索詩文者環
堵公有求必応不再宿癸未登第與執政子同門
欲要之入幕酬以鉅選公自謂必得且素恚按門
不応執政啣之授南左常侍士轉祠部即遂抗疏

言執政進私人塞言路謫徐州聞縣尉公投袂出
都無難色轉遂昌令政聲為兩浙冠但以倜儻夷
易不能希講鞫睨長吏色故無首薦辛丑大計
向銓部乞歸不允忌者竟奪其官歸而徧歷山川
遊輒記！輒筆詩文載滿囊瓢家居奉兩尊人色
養備至以純孝聞性好獎予後進急人之難甚於
已食貧二十餘載茅舞云闕阮哺自若所著玉茗
堂制義以古法行之妙處在筆善轉而思善入填
詞贈荅志復如是

明才子傳卷之下目次

鄒德溥 方國欽 郭玉城 葉修 陶望齡
董其昌 郝敬 焦竑 吳默 宋宏道
顧大綏 沈復 舒曰敬 湯賓尹 孫慎行
王臺 黃汝亨 許繼 張以誠 葛留亮
韓敬 王際 鍾惺 方應祥 顧錫嘯
李春愚 章世純 文康五 陳仁錫 倪元璐
李時奇 黃道周 文自美 曹石 張元志

明才子傳卷之上終

即表其賢表之生於路編徐州謝縣村公被放出
都無難色時逢多令政聲為兩浙冠但以調體美
苟不能春繡鞠脫聯表文也故無有薦舉乎六計
向銓部乞歸不允者竟奪其官居而編於山州
遊縣記下極筆詩文載滿策執策居奉而身人色
養備至以純孝聞州縣於後進急人之難事
已食食三十餘載未嘗公國既竭身若所著至其
堂制義以古法行之妙處在平善持而思善人填
詞贈答七復如是

明才子傳卷之下目次

鄒德溥	萬國欽	郭正域	葉修	陶望齡
董其昌	郝敬	焦竑	吳默	袁宏道
顧天竣	沈演	舒曰敬	湯賓尹	孫慎行
王臺	黃汝亨	許獬	張以誠	葛寅亮
韓敬	王滌	鍾惺	方應祥	顧錫疇
李若愚	章世純	文震孟	陳仁錫	倪元璐
李明睿	黃道周	艾南英	羅萬藻	譚元春
曹勲	黎元寬	金聲	張采	楊廷樞

吳偉業

張溥 揚以任

楊廷麟

左懋第

李青

陳際泰 夏允彝

陳子龍

陳之遴

金堡

陳名夏 黃淳耀

陳之遴

陳之遴

韓爌

王欽

韓爌

韓爌

韓爌

王臺

黃六克

韓爌

韓爌

韓爌

明才子傳卷之下

韓爌

韓爌

韓爌

董其昌

韓爌

韓爌

韓爌

韓爌

清淵王介錫美申纂 男王九游龍甫校

即太子... 卷之下目次

鄒德溥 萬曆癸未科

鄒德溥号泗山江西安福人以會試第二人成進

士与晋江初名號稱鄒李授庶常時陳公經邦周

公子義領教習能以獎賞誘掖作士氣故是科居

館職者多至台柱而公尤博搜窮討媿兵農術數

之学丙戌改編修上修改歷法疏其略曰臣誓自

古歷法由黃帝訖秦凡六改由漢高訖漢末凡五

改由魏文訖隋末凡十改由宋太祖訖宋末凡十

改由金熙宗訖元凡三改竊跡前事而疑今曆之

不能無差者四如正統十四年曆冬夏至晝夜六十一刻及正德九年八月十三年五月日食分秒舛謬之數皆為及時釐正以授人時古者太史每歲之正必命申考今柰何歷二百餘年而難一修乎哉疏上中外咸欽服之壬辰校禮闈英碩皆入其門如顧閔雍劉喜閔李應寧其著者累官至宮諭致仕著述甚富而三途並用議占諭朶顏衛檄斯又必傳之業也

萬國欽 万曆癸未科

萬國欽号二愚江西之新建人公少年為文縱溢奔放有千頃百折之勢及壯博覽諸書最熟史漢筆輒有裁制能以一二透闢語領括大意漸至東浩瀚而歸簡練生平尚氣節不為物撓而意常近厚隆慶庚午舉賢書第二累厄春官至癸未沈蛟門黃葵陽馮具區皆為同考得人甚盛獲雋等九名与同榜泗山鄒公並重海内号称鄒万官御史臺劾閣臣彈墨吏論時政震声天下朝臣有議諸政務者不敢擅疏嘗曰未識万公意柰何其畏

服如此然見忌執政終以建言降劍州判改南京
刑部郎主上慕公鯁直將欲召還而詘於年未究
大用朱大復曰二愚有元禮之標多長孺之概正
其驄馬手采應尔惜乎清絕之顏亦或不展耶斯
言誠足感矣

郭正域 萬曆癸未科

郭正域号明龍湖廣江夏人公偉貌洪聲評論古
今事有絕識遇難處事人不敢言者公朗然直
吐衆皆畏服癸未登進士由庶常選入禁內充東

宮講官庚子十一月大風寒時煖耳未賜炉火亦
未奉光廟方出噤甚公大言曰殿下宗廟神人之
主當先珍玉体若以寒受疾豈不屑越太甚唱班
役圍炉擁向頃之光廟煖適怡顏公曰受春最深
又楚獄事起公習罔假王之說有意深求楚藩當
事止分別首從以刷案而楚王乃其恙癸卯妖書
事起中外危疑上召東宮慰諭之且曰匿名妖書
乃奸逆欲問我父子汝何過之有又以手諭一帙
賜之上淚下皇太子亦含淚叩頭然嚴捕未均有

以公素厚东宫终波及之時為礼部侍郎幾不能
免快々以俾久之事始白公声望籍甚未及柄用
而卒人咸惜之

葉修

万曆癸未科

葉修号永溪江西南昌人公為人方正端毅有經
濟才博古今史籍尤明習国家故事待物閑淡和
而有礼登癸未進士是科大學士余丙仲吏部侍
郎許維楨主試均人志盛公与鄒泗山万二愚湯
義仍以文声倡起江右謂之西江四僑授刑部主事

輔臣申瑤泉慕公名遇国家重務輒占裁畫辛卯
甲詔同銓部唐世堯主廣東試收録名士殆尽高
下評次唐悉就於公故是年典試報名者以廣東
為最尋改肇慶知府粵人誦曰是善衡文者也吾
倚以一公祖更以一師保矣至任嘉海禁寬地稅
平劇盜法皆尽善而又鼓吹學校鄰郡士子咸錯
趾就試且公所歲賞者率先後揚去粵人至今奉
冰鑑云

陶望齡

万曆己丑科

陶望齡字周望号歇菴别号石簣今稽人礼部尚
書兼学公之子也在诸生中督学林警庸大奇之
乙酉至乡试第二丙戌赴南宮不第索落卷阅之
有大原评云七作平常公以四字揭寔壁间朝暮
玩思如乞者三年己丑計偕以寔藝问旧主司孫
公继臯孫公方为少宰谓公曰吾乡试时欲元子
不得今且魁天下矣榜筮果第一人公为晋江李
九我门士九我语人曰余初得陶君牘揣其年在
強壯之间其举者数々矣迺陶君年茂甚而以乙

酉举者也夫周鼎商彝出冶時即蒼渊渾樸別於
凡製使夙学如陶君豈可射覆卜哉入對大廷賜
探花及第授編修清告歸養甲午補原職修国史
乙未校礼闈得霍林为元己復清返越丁卯艱服
除奉其母北上徙太子中允知制誥癸卯典留都
试甲辰改国子監酒以母老瀝血籲辞詔用新銜
在籍戊申母病不起公哀踊踰節至於柴槁尋卒
公死之日貧不能具殮門人余懋兹方为山陰令
出貲庀棺槨以塋公道誦文章卓然一世而謙遜

每不若常人後學多企服之所著有歇菴集若干
卷溢文簡

董其昌 万曆己丑科

董其昌字玄宰号思白松之華亭人髫年賦詩語
出必驚人又從莫中江遊以荆川舉業正受漸成大
家戊子魁順天己丑會試第二賜二甲第一名官
庶常授編修訓後學有蓓蕾數則及十字訣義望
重一時忤時相出副使任湖廣學憲公力正文体
勗士子以弘博日校文千餘帙不淆黑白尋陞福

建參議廷臣文章薦公上召還為經筵日講天啓
改元擢大僕寺卿暇即彈心理學既而讀曹洞語
錄有省遂証了義崇禎乙亥以禮部尚書兼太子
太保致仕又二年公卒年八十有二溢文敏公手
采秀絕作書備極諸法晚造玄微畫宗大癡雲林
而清勁過之風流蘊藉絕似趙松雪後贈謚悉与
趙全人以為快

郝敬 万曆己丑科

郝敬字仲輿号楚望湖廣京山人文思灑博舉筆

汪洋不竭性疑重手稜峻異不苟同流俗戊子各
省試紛々多事如順天王衡鄭國望八人奉旨覆
試山東馮鎮及賈三鳳俱議處他至梗撓場事者
不可殫述惟馮公琢菴主湖廣試銘楚材殆尽有
知人之稱公以是科魁賢書己丑總裁許維楨亦
善衡文公又与焦公竑陶公望齡黃公輝刘公曰寧
高公掇純王公肯堂董公其昌周公如砥朱公国
禎表著一時廷試授二甲未幾改礼科給事中公
遇事慷慨論列不畏強貴久上疏言儲位久虛宜

早立東宮以固國本不報輔臣王荆石申瑤泉尤
企重之後二輔乞帰忌者中公竟調外左迁江陰
知縣未報滿告休田里講論不輟後游者腐集所
著書最富九經解尤為世所重童子洪範夙擅才
名崇禎壬午領鄉薦第十明年計偕道卒士類惜
之

焦竑 万曆己丑科

焦竑字弱侯号猗園山东日照人万曆己丑對大
廷賜一甲第一名官翰林修撰与袁庶常宗道陶

司成望齡黃宮詹輝日夕遊處以倡明理李為任
光宗時皇長子出閣諱學公執經供事所為啓沃
獻替者推館閣第一同官忌之因典試順天嗾言
官以蜚語中公以拂衣歸與旧游同志者相聚
曰吾今日均與諸君了此大事矣自是優游林下
劇切至二十年留都故多講社公歸主盟壇坫益
盛每舍日學士大夫必以疑義就正均公一語輒
為解紛故天臺明德陽明三祠之舍公所答問尤
多年至大耋學以好學閱書史有用者手自摘錄

投于甕既盈析類成書名曰焦氏類林又著友
談正續筆乘答問正續澹園集陰符解老莊翼理
學名臣傳養正圖解獻徵錄玉堂佳話因史經籍
志忠孝錄京學志金陵旧事諸書光宗即位詔推
東宮講讀諸臣陞敘錄用而公已先一年逝矣天
啓二年特議贈卹蔭子一人

吳默 万曆壬辰科

吳默字因之一字言箴号無障南直吳江人公夙
采疑重沉納寡言笑為拳業終日咀咏白文移晷

始成一義性僻靜不問世事試諸生每校必冠壬午私忝天自是數困公車遂飄泊湖海四方從游甚衆有持課就正者公必掩卷問何題子作何解既對又問有疑義云何子作何解如是者三四問然後就文評論壬辰蜀中陳公于陞善衡文為會試總裁未放榜時長安諸生相語曰陳元忠為主司因之當魁天下矣榜發果第一海內望公秘笈如渴公先出辨真義八首示人紙為之貴授京秩居署嘗衣褐食無兼味累官至銀臺止無仕態每独处至夜分日抄講義一章後人比之周濂溪董思白曰松陵耽玄嗜寂以陶其英雄之氣繼之遨遊名勝以鼓其動宕之機是以含蘊益厚而峻發彌闕然公一生用力在六經語孟不區區以帖括章句見也

袁宏道

萬曆壬辰科

袁宏道字中郎号石公又号六休湖廣公安人登萬曆壬辰進士授吳令以豪放罷官縱遊西湖天目五泄天台鴈宕諸山丁酉補授國學庚子陞禮部

主事奉使出外復縱遊匡廬武夷嵩雒蘇門百泉
華山五臺諸名勝所至有詩文紀述摹寫之妙如
嵌空玲瓏八面俱是至今誓訪陶文簡見徐文長
初集篝燈夜讀一字一叫絕稱為代人文第一
文長名由是益重辛丑養病歸丁未補驗封司主事
調文選陞考功員外郎庚戌晉驗封司郎中是年
病卒虞德園曰東坡為天西奎宿自天墜地分身
為四一為元美身得其斗背一為若士身得其燦
眉一為文長身得其韻之風流命之磨蝎中郎晚

降得其滑稽之口借光壁府散緯布空而已識者
以為知言所傳有瀟碧堂全集及廣莊瓶史觴政
暑譚狂言十集

顧天峻

萬曆壬辰科

顧天峻字閑雍号湛菴南直崑山縣人自幼鄙章
句讀書史必探古人微暖一言破之劃如對面性
剛毅倜儻有負荷壬辰出大石山房稿行于世与
号松陵齊駟时人稱為号中二絕對大廷賜榜眼
及第授編修居館職十餘年潔志端操不濫文同

籍中嘗謂公木強人不敢狎觀累官左諭德与时
宰不悞降行人 已復官即賦歸田游覽載籍守
行弥惇有万石君王彦方之致乙酉以節殉公為
文兼識力機度四者厚積而靜調之王唐以後又
而已矣嘗自序曰予於此道良苦而特標獨得為
宗讀先生諸篇真可謂獨得矣

沈演 万曆壬辰科

沈演号何山浙之烏程人生數歲動止不凡年十
五試諸生第一与其兄灌馳名茗上灌即所称文

定是也辛卯領解額明年捷兩試与文定同榜文
定既得庶常忌者以兄弟不宜並膺館選改部曹
晋主客郎歷外任至陝西方伯所過皆有紀績已
文定入相公乞疏告歸不允擢京兆尹丙寅陳制
禦十款上嘉納之晋刑部左侍郎又上疏陳南北
制馭方畧大槩謂西南之局本非難結乃歲糜餉
二百餘万兵連禍構以致撫不成撫勦不成勦恩
威兩無所據也以往事為質惟在安之不在勝之
王守仁之定思田有十惠十善二幸四毀之疏印

之今事較若合符我惟固守彼自見瑕因而蹙之
恢復不遠願廟議之早為決計也疏凡數千言時
論重之尋以刑部尚書致仕公居仕途三十餘年
廉慎正直有古大臣風文章經濟之富擅絕一世
於國家兵刑禮樂河漕錢穀及地方利病人材消
息無不留心籌畫且好孝致上垂老不倦尤志
後進有志者談論其鋒嶽上而器度又極溫舒使
人樂就而不欲去洵朝宁之楨幹宗里之模楷云

舒曰敬

萬曆壬辰科

舒曰敬号碣石江西南昌人公少異敏博覽群籍
尤矧古人騷賦嘗游情詩酒間不問世事於制義
宗震沃廬山二先生派馳名江右辛卯修撰朱公
國祚吏科給事中葉公初春主試私鄉榜第二明
年成進士以所著隻立軒稿呈總裁陳元忠陳公
嘆曰近文好炫新奇離詭刺日子藝如盛暑當軒
涼瓜謾々豈非今日之廣陵散哉又曰予於南宮
牘首因之於憲下牘首碣石時論兩是之廷對奏
名三甲授泰興令維揚故繁劇俗華而靡公至以

樸實風之餽遺耗羨皆拒不受邑賴以治公嚮踈
落不善迎長吏色舍大計以浮論註公摘府教授
怡然就道與其郡博士弟子談經課義嘗捐俸給
士之貧乏者踰年徙吉府紀善即辭歸不復出海
內賢士大夫多以學業就正西安方孟旋執贄從公
遊得成名為世宗仰然公以風教獎後起者多矣
又不狃一孟旋

湯賓尹

萬曆乙未科

湯賓尹字嘉賓号睡菴別號霍林寧國之宣城人

公少好讀書為文不循町畛名噪東南吳舍人咸
求之為師甲午亂應天乙未舍試前一日有舉子
夢冕服一人坐殿上召之入試有晉元帝恭默思
道題榜名翻飛不定与易水生爭逐為彼先得後
試題即司馬牛問仁晉姓司馬元帝為牛金子恭
默思道即詛言也驗矣且園中業以蔡復一為元
晚均公卷為第一蔡遂殿推之易水所得更為奇
驗事載從信錄中入對大廷賜榜眼及第授編修
累官至南京國子祭酒公負有重望忌者排以浮

論生平經濟不盡發抒而歸公為諸生時極擬會
藝文後出於會稽之房一時異之陶文簡嘗曰余
初以嘉賓試卷幾失之矣讀之再三而知其奇卒
讀其制義始愧駭嘆服知其不可及會稽之服公
如此

孫慎行

萬曆乙未科

孫慎行号淇澳常州武進人隆萬間舉業惟泗山
均荆川之秘公少与之遊悉窺其金乃力剷崖角
自為錘鑪文声日益光著甲午采于鄉乙未賜探

花及第授編修謝容齋居必誦經史數卷論者稱
其廉靜甲辰禮部言掌印缺郊祀冊封幹理其人
冢宰即推公迁禮部侍郎甲寅慈聖皇太后升遐
大禮公皆經理時儲位維定而福藩未出尚有匹
嫡之嫌公上疏敷陳涸劑趨令就國中亦愜然晉
尚書光宗大漸左右妄進藥物旋即晏駕公不勝
痛憤抗疏參輔臣方從哲坐以趙盾弑君之罪議
不均伸棄官歸從哲恨之与戚畹內侍交結日以
殺公為事於是尚寶卿刘志選兩疏劾公上遂削

籍魏璫竊柄且追贓擬戊丁卯秋烈帝登極奉赦
均免戊辰復起太宗伯公穎敏過人閱文常一目
數行決人利鈍如指掌毘陵後輩皆公所推穀云

王臺

萬曆丁酉科

王臺字子端号古栢山東之臨清人幼負奇氣食
貧力学嘗下帷於梵舍三年不歸經史子靡弗淹
貫為文不尚絢爛以譚理為宗課後輩每云作文
當看書自下下不透維摘藻如春華無益也既迂
維揚亟時方議海運公持論占當事者忤遂拂衣

去居林下卅餘載杜戶讀書手不執卷曰予生平
独有書債未償耳築別墅於東郊遊詠其間以白
香山之趣吾師振嶽繩祖武為山左冠軍成名進
士公之訓也所著有尊生要錄搜古摘奇行世

黃汝亨

萬曆戊戌科

黃汝亨字貞父号寓齋浙之仁和人少負文譽遠
近負笈者綦鳥相錯辛卯朶於鄉戊戌成進士拜
進賢令最負廉潔声五年政成以異等内召中忌
者曰左迂淮齏載起南工曹徙膳部即擁皋比談

經暇則策青駟徘徊山水間退則堅扃楗自若鍾伯敬嘗曰以貞父若而人不使之作熟官獨得偃仰於金陵曹署仕隱吏仙若有所私於貞父者已督學豫章嫉時文弔詭力挽其衰有迴瀾砥柱之功且執法峻厉竿郵屏絕人皆服其虛公語具西江校士錄中既迂湖西備兵因齎捧過家扞南屏之麓營寓林老烏遂不復出旋於山居構雲岫堂曝書其中海內乞言者倚公為司命孝子不得無以子寒士不得無以士書賈不得無以通五方而

走重譯公應手給造請者毫不告瘁丙寅年六十有九卒學使樊公祀於左廡生平茹淡服素田廬望中人之產纂修有史海淘珍古奏議廉吏傳正始編行世晚年稿多散軼合曰刻及白門草山遊草梓之得詩六卷文三十二卷曰寓林集

許獬

萬曆辛丑科

許獬字子遜号鍾斗閩之同安人性警敏好讀書雖寢食未嘗廢卷為文究伊洛諸儒之說靡不絲折髮解遂以文名標勝東南辛丑主試馮琢菴善

衡文得公卷曰今之許子遜昔之王濟之也我茅
一授庶吉士琢菴仍領教習常以館閣期之癸卯
改編修時妖書奉祭官僚多滴降不補閣臣葉臺
山上書請補詞臣列公名欲大用之公且乞疏告
休未及柄用而卒所著藤溪稿至今傳焉湯若士
曰同安學王錢冰實似王錢之秘至同安而
盡洩矣識者謂湯臨川祖王而宗錢子遜又遠宗
若士故面目雖或不同而先輩夙於此不墜所
由與因之崔林近守薪傳者異矣

張以誠

萬曆辛丑科

張以誠字君一號瀛海松江華亭人公姿性敏異
八歲能屬文為諸生時刻墨華社草夙尚高華海
內多宗仰之文名日峻復盡棄其孳務乃平澹足
不窺國者十年以詩經魁本房辛丑捷禮闈傳臚
第一授翰林院修撰己酉直起居注庚戌會試分
房壬子主闈試還院陞左春坊左中允公在仕籍
中十有三年告病者一丁艱者再官不過官諭而
品行完粹理孝淵裕神宗朝一人而已陶石簣評

辛丑房書曰闢徑閑畦人推鍾斗若氣淳矩正紹
成弘嘉隆之盛未若君一之功大也子安茂号葵
匯丁亥進士為兩浙文宗有盛世文明之望

葛寅亮

万曆辛丑科

葛寅亮字水鑑一字參疑别号北瞻浙之錢塘人
生稟異質嗜古力学性不表近時或經年闕筆不
輕構一藝庚子棘試出自謂非元不售具區馮司
成亦以第一人期之榜登果首解額聰捷南宮授
南儀部轉河部郎跪請表揚忠節拓新黃侍中方

正學等祠戊申引疾歸里閑講湖南從游多四方
名士辛亥備兵江州創匡山書院祀王文成選諸
生建業其間談經課藝多士蔚興後姜烈及李太
虛並為名臣未幾督學楚中拔法生必覆試慮童
子有遺珠復令司李檢閱稱名督學乃一二橙貴
憤子弟屈為遂摘譚友夏劉同人諸卷為陰恠事
旨聽處壬戌復起閩水利使荆南參議旋督閩中
學政秉公明愷同視楚學時辛未起小尚書癸酉
典試山西力持文作故坊刻有雪墨一變錄是夏

陞左通政有揚弁者欲革各省郡倅縣尉改設練
總且謙加派充練餉公曰民苦繹騷烏可以予予
之地激而有事駢駁回不上丙子埽里楊弁復上
劾疏公被逮入圜己卯赦歸著園中記乙酉兵渡
金陵公乘一葉走三衢誓不返故庐未幾道卒年
七十有七所著湖南講為世所傳稱

韓敬

萬曆庚戌科

韓敬字簡輿別字求仲浙之陽安人父辛丑進士
居兵垣有童望生公穎敏不群異之曰此千里駒

不復久居鹽下也時宣城未遇時延於家讀書清
樞堂相以為忘年交公後宣城十五年始雋明年
庚戌宣城分會試房公至第一人叩之即出宣城
之門一時爭竒廷對賜狀元時閣臣以詞林壅滯
請停館選公獨以昂甲授修撰未幾養病籲辭請
為南行人副公屢為浮議所抑居官而不顯退而
校一代之文以告天下嘗曰崇侯能潛文王而無
可柰何文王之易公伯寮叔孫武叔能毀孔子而
不可柰何孔子之易詩書春秋其感慨有如此者公

博極群書一目數行下書法在蘇米之右居鄉不
殖生產四方名輒至必飲必醉選制義樹規標
的為世宗風

王滌 萬曆庚戌科

王滌字芾如号愚谷山東之益都人父以明經灌
名一齊常執編誨公讀公顧自能稱為古文詞采
筆數千言不可遏抑性豪故家興醖醕間有晋人
之風己酉領省試十名庚戌捷是時楚中雷公思
霈較葩名雋多出其房如鍾伯敬鄒衣白喬京南

及公皆一科奇傑也廷對賜二甲授大理寺評事
踰四年轉計部郎受命山西管糧守岳州養病補
大原知府皆有異政比懿勳海王膠東不啻過也
壬戌陞山西副使明年調清東參政以憂歸時朝
議言公淹雅博學所在人風嚮化交疏薦公起福建
提學右參政試牘皆親閱絕清託諸生以講孝公
渴者公一問名畢輒誦其所試之文无一爽者
諸生大服陞太常寺少卿戊辰致仕公為制藝靈
空超斐從慧悟中均之詩詞傳集如風生泉湧天

才逸癸海內咸購其文為帳中秘

鍾惺萬曆庚戌科

鍾惺字伯敬号退菴湖廣景陵人性坦易不接世俗人當途邀飲不事酬酢以故人多忌之嘗恨世人聞見汨沒守文難破故為文嘗深入超出閑人我眼界年十八受知於督學張彥吉庚戌登進士授行人改工部主事与其友譚友夏商定古人詩以己意棄取命曰詩歸世有詆毀者且刻為書破之公曰是何見之晚也我輩護此書而必欲其興

世人妬此書而必欲其廢廣陵淺深相去幾何李者高其言已上書請改南轉南京儀部迂初祭司即中作史懷念人生不常佛種漸失悲淚唏歔以為讀書不讀內典如乞匄食終非自爨男子住世數十年不明生死大事質以去一庸妄人耳乃研精撈巖著如說十卷病臥猶沾念之曰使吾視息人間猶得窺妙莊巖路也督學閩中考興化延平福州三府丁父憂去職大計中人言服闋居家三年而卒公待友接士一以誠厚薦人惟恐其

知答當路書至半停筆思曰彼方有何士為一言
之若有所請屬者與後學辨論必執裾洋告以潤
其胸臆故往々才人成就率以獲名者甚衆

方應祥 万曆丙辰科

方應祥号孟旋浙之西安人少食貧嗜学益篤敦
倫理言不曲尽甚至蚤世追憶松楸心焉將毋為
文非六经语不道也疑義解駁粹然一軌於正而
渊然有光丙午忘天鄉試魁其经累厄南宮丙辰
同考韓若愚初均公卷擬本房第入置案上摩娑

久之忽尔叫絕定首卷填榜見為孟旋出語所知
曰使我得百少雋不如均一老方故繆西溪常曰
由前摸索無心蚤千年之礦由後矜賞偏喜添雲
水之庄傳為佳話初授南兵部職方即例多饋遺
因有少吏南兵之謠公恫積竄之艱釐去之居食
與未遇時言異也轉初部時公年已暮欲去毋得
里顛辭乞養声々血淚不允終以青衫在疚三年
苦塊哀毀骨立尋卒所著有青來閣初集二集傳
世公當山居從學者日益至常擴廬以接多士祭

明昏孔曾思孟之旨後人比其功為瀟溪明道云

顧錫疇 萬曆己未科

顧錫疇字九疇号瑞屏蘇之崑山人父允忠元城
知縣治劇盜有聲生公美姿容穎悟百倍人為文
能以淺詞取深致以平澗登異解時紫皆企服之
戊午承順天才二名己未捷禮闈授庶常吏部侍
郎史公繼階嘗謂人曰予教習庶吉士二十三人
瑞屏亭玉立異日明廷羨醴也甲子授簡討典
試閩中時各省主考有忤執政意摘文体四人公

与烏油介任丙寅疏擊魏闈奪公官崇禎改元上
賜之環勅曰當闈氛火烈黨錮隨興愚夫首濡智
者舌噤尔独義形於色情見乎詞美厥青湘居然
白簡是應摧尔宮僚以夙百尔晋右春坊右贊善
陞太子監丞公性至孝給假省慈闈二年補卷
事纂修玉牒甲戌艱屏哀毀骨立杜其門尚道者
不均陞公顏色丁丑服闋堅意不出已奉命起禮
部侍郎兼經筵日講尋以浮議見黜事白復原官
如故公性善屬文筆不撤披故乃坊士牙子时制

義之富莫如公居史館十年著述之富亦莫如公

李若愚 万曆己未科

李若愚号愚公湖廣漢陽人父宗魯居兵垣條對邊事剴切万餘言有諍臣風生公姿性敏捷疑然不允嘗訓公曰讀書望經濟一井蛙濠鮒身不足觀天下事公由是博涉經史稗乘稽國家典故丙午和於鄉又十三年成進士授浙溫司理為辛酉同考滿六載以異等奉召例補掖垣時魏璫掠治忠良賢人側立公未授職輒憤懣不平抗疏諷切

時政語尽擊魏閹并及其黨雖昂鑊在前不顧也
有御史某言於朝曰彼後生新進望与足較弗若出之以抑其銳氣因改常州府授稍迂刑部王予崇
禎庚午以虞部郎中典粵西試告歸踰三年迂去
選司改江西冬政興除利弊多著締績然以未竟
經濟為憾倘嚮者舉蘭省父子廷諍其勲業豈有
量哉孫滂昌祚号過庭善古文詞舉壬辰進士居
館職

章世純 天啓辛酉科

章世純字大力江西臨川人性豪放不拘繩尺為
文沈雄泓邁好步趨先正与千子文止崇王文恪
為裕中主嗣而配以荆川師道作臨川一派補諸
生時見重於湯若士又見重於沉何山韓求仲既
而張受先以畏執事之至白首不敢屈辛酉亂於
鄉刻章子大業赴公車不利名且益重退而劇心
鉢志慨然以斯道為己任一時故輩蔚興皆公推
獎之後受先令臨川嘗飲公于署聯復社氣誼有
晉人之風又作章子留書出深雋逸別有夙裁方

之稚川仲任蔑以加焉然公不善詩大士詭之曰
此一部是曾子固集耳家居每留心時務不殖生
產足跡常遍天下特未究其所用云

文震孟

天啓壬戌科

文震孟字文起号湛持蘇州吳縣人薦賢書年始
弱冠為人伉爽峭直不容不肖者居側有宗人某
坐盜繫獄公恥之自為祭文以練冠佯哭其人自
愧即投環一時端人正士皆稱譽之天啓壬戌福
清絡首揆趙倚鶴為冢宰鄒南皋為御史大吏刘

念基乃儀部郎念基抗言於二先生曰方今聖主
初御衆正盈朝必均名殿元以厭人心二先生拱
手曰若然必文上起乃可及傳胥公第一舉朝慶
為均人授修撰即上疏言經筵關係主德詞極剴
切又渚上擊圍魏於是忠賢怒矯旨奪公職公即
日策蹇出都門好事者繪忠孝歸耕圖以榮之崇
禎改元召復原職乙亥入侍經筵敷對明切上嘉
重之拜東閣大學士兼禮部侍郎居政府不久為
烏程所忌予告歸公幼負志以天下為己任卒不

竟用快成疾丙子卒

陳仁錫

天啓壬戌科

陳仁錫字明卿号芝亭蘇之長洲人生有異姿年
十九采于鄉明年下第歸乃肆力古人之學閱異
陵錢啓新倡道東南往從之遊以才情根極性命
學益邃壬戌登進士探花及第授編修辛未晉經
筵日講為順天同考會璫逆魏忠賢專國一日忠
賢以軍功冒爵上功乞世券公當眎草辭或怵以
禍公曰死何足恤吾為奸邪州世券將何顏對天

下後世乎終不可璫以明黨坐公削籍崇禎改元
闔氛迅掃被逮者次第起用甲戌召公為南京國
子祭酒甫拜命以疾卒所著有四書語錄天紹易義
易簡錄賦後書通鑑論較綱目會紀經濟八編行
義合刻皇明衍義皇明世法錄無夢園全集等書
行于世

倪元璐

天啓壬戌科

倪元璐字玉汝別字鴻寶九歲為牡丹賦有紫則
佳人之舞袖黃如帝治之垂裳句年十七登萬曆

己酉鄉薦壬戌成進士授編修時逆璫熾甚公抗
不顧身受命試江右命題濺切時論危之思宗即
位殛璫孽乃獲免忠賢既誅朝廷猶未定議攻崔魏
者至引東林為並案公三疏力白又奏毀三朝要
典從之由司業遷右庶子陳制實制虛各八策尋
擢祭酒教生徒以經術國學大盛公骨性骯髒教
忤時相罷歸作兒易壬午起兵部侍郎未幾簡戶
部尚書詞臣佐樞筦計皆例所未有又浙人為戶
部獨公也公報政方最會賊犯秦教密疏請太子

出就金陵監國不報甲申賊入城公束帶北面拜
闕奉酒屬所供闕壯繆亦自浮滿尽三白曰吾即
幸生何面目見世公乎乃南面坐自縊年五十二
謚文正

李明睿

天啓壬戌科

李明睿号太虛江西南昌人自幼慕先賢徃行有
志於性命之學又嘗從湯養仍遊義仍喜其寒吟
永夜作詩贈之有夜半梅花壓春雪小窓灯火讀
書聲之句辛酉承其鄉第三人明年捷由庶常進

檢討丁卯主湖廣試羅楚材殆尽又元潭子友夏
人夙丕變升左中允辛未同考意再獲名雋服天
下而大倉吳大史又出其房數年告歸林下聚
徒溝壑四方負笈至者甚衆公又作短垣淺榭引
水為池奉交遊操画艇盤旋曲沼中行吟自如時
人比之白香山甲申起禮部侍郎時服式未定公
持議留衣冠回籍公既出園亭燬廢從維揚過武
林扞湖濱僻處談經後學者日益至癸巳公年已
七十步履矍鑠尤能於灯下作蠅書且每日必拈

論語一義嘗謂人曰聖賢之旨散見六經終不出
論語二十卷論語一部只在一章只在一句
人自不辨耳著述甚富已行世者有閩苑山人四
部稿

黃道周

天啓壬戌科

黃道周字幼玄号石齋漳州龍海衛人博搜廣覽
自周秦以後書無不通徹為人方直遇大才輒自
任詩文隸草皆自成一家壬戌登第授編修庚午
主浙江試丁丑為分考桃李甚茂升詹事府少詹

纂修玉牒舍大司馬楊公奪情視事公就御前介
之辭氣峻厉上怒降江西布政司都事起用又以
直言忤時相論死尋廷杖改戍自是名益重壬午
上憐之召復原官如故丙戌絕食死作詩曰諸子
收吾骨青天知我心為誰分板蕩不忍共浮沈鶴
怨空山淺雞鳴中夜陰南陽江路遠悵作臥龍吟
當解褐時号下盛讀黃子駢枝公見之憤曰此髻
時放語奈何乱人目邪乃兩日成七義梓之既仕
作宦稿二十五首鴻宝倪公序其文曰天以石齋

之文為樽設之五父之衢度天下之能輒而享之
者可用指數蓋言無有知石齋之文者著書甚富
易象正與三易英圖尤一代奇書也

艾南英

天啓甲子科

艾南英字千之江西東鄉人少警敏有絕識年十
一有試以制義題四公不屬草頃刻而就里人奇
之長而究觀上下千古縱橫萬里有不屑一世之
意與丘毛伯游大來曾隆吉視文柔學二十一人
聯社東湖名遂振公社義既出再刻歷試卷海內

翕然宗之司寇沉何山嘗持節至豫章索其文天
啓甲子浙中下天行主試私第四人自是竟厄南
宮益潛心制義破萬曆末年之習變為成弘而羅
文止章大力陳大士實倡和之一時秘曰千子之
有文止諸人如沛公之有張韓故可帝制自為也
又聚明興以來文至崇禎甲戌積三萬有奇芟其
什七布告天下曰文定文待其意在闢禪墨而歸
傳注嘗曰慈湖氏之書不過立教明宗而已未聞
入制義也今以其文降為傳燈附以援儒入墨之

况其鄙陋可勝道哉中康言性不言心孟子言心
必原性舍聖賢不事而事為禪况將為用之其有
功於世運文風如此

羅萬藻

天啓丁卯科

羅萬藻字文止江西臨川人公長目修髯儀容秀
整於書無所不閱必至能備始已嘗論制義之
業今不及古者由機法不清名理不真耳因與大
力大士追先民遺槩而公更於清真之中寓以澹
遠之致故臨川諸家推公為最丁卯鴻寶仰文正

主試未入境屈指豫章名士亦首及公事竣公以
第十六人雋賢書祭榜之時文正咨嗟累日問故
曰吾失大士而後文止耳房考沈青嶼又曰文止
與左嚴祖為頡頏乃二子均入予彀上下先後間
或不以文止病也數赴春宮不第尋卒楊維斗嘗
云文止積學逢年文章之報久而論定鴻寶青嶼
皆以不文止為恨至再赴春宮於是文止身而終
不均如鴻寶青嶼其人文章之道豈不以命哉時
臨川同社中多有囂浮之氣公特厚靜自持人皆

師式之里中閩人蔡石甫則公之高弟也

譚元春

天啓丁卯科

譚元春字友夏湖廣景陵人少與鍾退菴同學同里筆墨倡和互相鼓吹學者有鍾譚之稱南神宗甲寅乙卯間評定詩歸鋤莠除礫哭笑由我雖古人不之顧天啓丁卯舉湖廣第一人主試南昌李太虛竒其文嘗曰楚中遇鄉試人皆前茅友夏顧累試累屈幾沉岱淵乃數十年未售之士余以射覆元之亦可謝天下士矣戊辰辛未再上公車

淪落不偶世有知友夏者癸酉以計偕卒于途次友人士咸痛恤之公居鄉推引後輩獎義不倦操觚家均至一言重于連城嘉魚金正希未遇輒有声廣序友夏揚之也然終以詩歸為小儒所識張宗子石匱書論之曰今人在鍾譚則詆王孝在王孝則詆鍾譚亦厭故在斯之習也夫王孝自成為王孝鍾譚自成為鍾譚今之作者自成為今之作者何必詆何必不詆斯為定論哉

曹勳

崇禎戊辰科

曹勲字允大別号峨雪浙之嘉善人諸生時才名甚噪師高忠憲景逸友魏忠節廓國家貧歲不屑凡近督學延光周公拔首多士稱均人辛酉領鄉薦第六戊辰擢禮闈第一榜眼及第例應授編修以迂南途意僅均庶常明年會試文房所均皆名雋詞林翕然宗其冰鑑尋加左諭法兼左庶子念母大君春秋高陳情終養十年絕跡春明竹懶李大僕公書稱之曰允大澁念冷心長依子舍不汲據津賢于古人裂裾馳阪遠矣乙酉鼎革避居

東干不接旌旄不入城市著書永日惟占手種龍鱗老松作伴一時比其居為桃花源子尔堪壬辰進士改庶常授編修父子木天士林榮之

黎元寬 崇禎戊辰科

黎元寬字左嚴号博菴江西南昌人性坦易復慷慨持大節於古今經籍无不冥搜迭覽尤嗜馬班及昌黎眉山諸集為制義清微泓曠不爭奇于字句間嘗与羅文止諸人倡社納交有郭林宗吕平安之致天啓丁卯公卷与文止俱入沈青嶼房公

為首文止即二卷一時稱青岫均人崇禎戊辰同
考金公秉乾亦首薦以第二人成進士授虞衡司
主事奉命督杭州閩務公左技簿右操圖史浙
人士多嚮往之復命調車駕司任申改職方負外
郎再遷車駕郎中命甫下廷臣疏公文名盛滿湛
為多士秉率推浙江提學舍子從之就道士子
望車轍靡不翔舞詩浙風淳習未沈公為之倡導一
返清醇待士子尚和易而尊法愈謹教科以來浙
闡均雋皆公所萃士忌者中公勸所錄二三卷摘

以夸麗奪其官時論寃之出境之日渚生遮道者
以萬計車不能前公悉慰而遣之明時視兩浙學
政最著者凡三人薛方山体嚴而道尊蘇紫溪架
正而風淳黎左肅德親而化美茲三公者所謂因
時設教異用同歸者歟

金聲

崇禎戊辰科

金聲字子浚号正希世居休寧以父宦楚中籍湖
廣嘉魚縣補其邑弟子為人深靜簡默惟鍵戶讀
書不問世多吳楚都人士願与之交先生弗屑也

天啓甲子舉北澗乙丑不第鑽研愈深文日益進
戊辰登進士東都艾君點其文以震川相許故坊
刻有歸金合稿授庶常上封事數千言執政以詞
臣不當言兵欲出之外上时在骨鯁摧山東送
御史巡視西城先生磊落不阿居臺數年每与主
政忤例轉山東倉司等艱思歸凡三請始得允乙
亥還新安不治生惟耽書史絕郡邑竿牘乙酉大
兵南下先生与江生文石募集民兵堅壁守杭已
城陷先生慨然就縛曰吾今日乃死延矣比至寧

国道上江生追至且大呼曰始我与先生同樹義
幟者今柰何遺我乎先生叱之歸弗聽隨械俱赴
金陵市曹談笑而訣先生為諸生時好言兵及仕
恒以不修榘務為憾卒以兵殉亦不負先生之志矣

張采 崇禎戊辰科

張采字受先一字來章号南郭太倉人幼穎異攻
苦嗜學文名播海内丁卯以礼經售煥出父蚤逝
子年母至孝舍五旬誕日四方名士畢集冠蓋填
閣公蓋竹為房以延客一時美之曰榮親之道莫

於是崇禎戊辰科會試第三人授陳州令公居官
儉以持身廉以服物占其邑孝廉博士負淡文則
永畫其倦色又均馬政制豪猾恤行戶蠲罰緩法
其不善至徵稅入公帑例有耗錢公悉除之或取
俸縮飲食以補地方皆尸祝公然性好讀書厭煩
劇拮据數年屢致伏枕庚午清告歸杜門謝客著
述甚富一本於聖賢立言之旨風雲月露冰其好
也夙與張西銘交最密西銘卒其子公為之立嗣
經紀其家尤不可及乙酉奉南詔起儀部郎尋卒

楊廷樞

崇禎庚午科

楊廷樞字維斗蘇州吳縣人性沈毅有大節為諸
生時值瑞禍方興出從珍以求清流應山六君同
日併命尋及吏部周忠介萊洲金閻泐甚公倡義
率同學朱隗等奪吏部擊殺官旗被黜思宗改元始
復學拔入貢庚午姜燕及主試未忘天第一人累
赴公車不第自是退修經史研窮先儒理奧偶或
點次房行鄉會諸牘選書一出紙乃之貴鼎革時
履不近城市而貧窶甚常至絕炊有餽公絲粟

者悉謝不受曰楊子豈受人憐哉夜分篝燈著
書吟咏于戶外丙戌卒公雅量類英叔度窮經
類鄭康成法節類胡公質文詞制義猶公之緒餘也

吳偉業

崇禎辛未科

吳偉業字駿公号梅村太倉州人公負資英特曠
覽古今書史而浸漬於唐漢諸名家文与張西銘
倡声婁水庚午魁賢書辛未受知於太史李大虛
為會試第一人識者謂以時會元至辛未而愈盛
如洪武之許瀾伯景泰之吳滙川正德之鄒東廓

隆慶之鄧汝德皆最負声光公更以清姿雄渾之
度雅擅流風与初四元相為頡頏所謂辛未為
文運更始不既符欽入對大廷賜榜眼及第授編
修丙子奉命主楚闈明年晋經筵講官又二年改
南國子司業辛巳陞左中允加諭德徙左庶子告
歸杜戶著書好推轂故李四方諸名俊多執執從
遊癸巳甚使訪遺賢疏薦補秘多沈侍講正如騷
裏初翔不知所届何止尚俟後為之補綴云

張漣

崇禎辛未科

張溥字天如号西銘蘇之大倉州人兒時奇慧好
學如成人不窺戶外年十五喪父幸母居西郭日
夜讀經史諸書殆皆籍甚因魁吳後公從公受易
於溥以了下子且不欲以科名讓人辛未駿公居
第一公即第六授庶常公如別白邪正在中秘以
否藏人物觸南途且求去南途思有以中之乃指
婁東社黨招里中豪猾條事入疏下提學御史暨
巡按都御史勘議令公以暴病卒上之鑒書生結
社不為倡率文教望他罪置勿問後省基文章言

公砥行力學有功南世清徵遺籍備史館旋奉溫
旨雖未經襃卹屹為七大儒其門人私謚之曰
仁學先生所著有史論一編二編春秋三書遺集
七銘齋合集

楊以任崇禎辛未科

楊以任字維節号澹餘江西瑞金人沈潛力學才
名不可一世生平不濫交氣節侃侃視榮祿如敝
屣弱冠舉孝廉與同邑朱敬之謝士芳謝子起楊
汝基及之叔某結社論文自江左以至吳楚燕

奇無不嚮風所謂乘六馬是也公与五君子砥
砺切瑳慎以道義相許後敬之計偕北上殞于途
士芳子起汝基丁卯罷歸有暴客掠其舟一時驚
躍並溺於波流湍激中公聞之往立地枕尸而哭
極哀且曰敬之先逝三子繼歿吾其偷生乎哉自
是功名日澹又哭告邑侯吳君一素重其望為
建祠豎碑購田而祀之題曰四賢祠仍搜所遺詩
文序而刻之以標四賢學業辛未公登進士授志
天教授陞國子博士即引疾乞歸姓名不復登仕

籍曰吾終不忍負此四君子也

楊廷麟 崇禎辛未科

楊廷麟字伯祥号機部又号企而江西清江人公
穎悟絕世書無所不讀於古文獨宗兩漢於唐宋
八大家獨宗蘇文忠遂以風教倡興臨汝間甲子
以來淳蕪悉掃公之力居多庚午以明經忝南闈
試遂高雋辛未倪文正為同考以第一人薦總考
宜興不允置之第二廷對奏名二甲授庶常滿二
載改編修丁丑分校尚書負一時盛譽如蔣楚珍

曹秋岳周天格包長明胡友蠡趙卓午皆班之名
家也戊寅晉經筵講官時楚寇張惶詔遣閣臣為
大帥廷議稱公知兵加職方司主事出為軍前贊
畫尚公未有是命倪文正序其文曰九府之才二
年雖盛時跨及者不過數人當璧厭紐一士而已
金石昂尊滌其粉氣胸貫腕強頭脊俱起決銳致
功形為能事天下之亂庶其多乎蓋公之文章事
業盡斯數語文正知人哉

左懋第

崇禎辛未科

左懋第號蘿石山東之萊陽人魁梧絕倫剛方有
大節自少以麟經噪名海內其為文雄渾宏博不
於字句之間鏤刻求工辛未陳明卿校春秋均公
深器之筮仕韓城令有奇績報最授戶科給事中
累迁吏科左給事中公居諫垣最久遇有慷慨論
列直聲動天下鼎革之際公自江南素車白馬抵
京師主和議不就臨刑嘉其忠烈命孫汝追至市
曹榜呼口出一降字即免公強項不屈遂殉都門
有諸生曹某人素目為狂生不與交聞公變撫而

哭之慟涕嚮籍璣為百金營殮具徒步扶觀收葬
陽亦可稱奇士云

李青 崇禎甲戌科

李青字太青号竹君南直金壇人公貧而力学以
修脯膳親窮愁兀兀不窺戶外事時文風靡甚公
獨攬成弘遺槩創正始之音時輩謂非投時之器
勸公改轍公不聽武進陳伊菴組綬見公執贄不
啻曰北隆万以前之文異日魁天下定宇月峰不
足數也乃訂交金石癸酉歌鹿馬甲戌舍試項水

心分校尚書薦第一時文起欲以陳大士作元
既而讀公卷曰遜之美遂定第一授武廷司主事
在部貧寧日甚朝論愈重之且以公舍元不均欲
職跪稱公法操粹品南為三禮之佐故未浹一年
晉儀制司將及柄用丙子公已卒矣疾革日伊菴
方主試山左公告人曰我後伊菴而生伊菴不後
我而死明年伊菴果卒蓋伊菴以辛酉舉省元甲
戌占公同榜廷對又連名二甲並授樞部其學同
功名同官同生起之同所謂志符道合定交而後

求者欤

陳際泰 崇禎甲戌科

陳際泰字大士号方城江西臨川人天分殊絕讀經史一目數行下嘗點二十一史不三月而成人以為畧公曰諸君自鈍我揆看尔為制義宗先正而片棄浮靡之習日或抄十數藝不少陰積文万餘海內均多文怪不敢視久且姑置自固今生倡嘆抗揚嚮風者始翕然宗大士文率淹科目二十餘年至庚午均於山陰宗天岳房舉第七人辛未

不第婁東張受先(畧)之特請於銓司徒令臨川所交與大士遊聯復社諸公與臨川數君子相唱彼和文凡為之丕盛甲戌計借文湛持拔公卷薦之以第二人成進士授行人後五載不一遷已卯主貴州試所校士子足尚其意者告歸不數年以疾卒所著有五經讀犬乙山房稿一十五卷揚維才曰大士文子一不自傳注大全及先覺中身特故為高巍其貌姿放其勢幽渺其思使人不敢以傳注大全及先覺之跡求之然非有靈心妙運則不能

也斯言真善知大長者矣子士鳳士隲善屬古文詞
有父風

夏允彝 崇禎丁丑科

夏允彝字彝仲号緩公浙江嘉善人總卯时送兄
之旭忘童子試會督學溫陵蔡公執臣校儒童不
由郡邑考公偶与烏拔冠軍以儒士入棘登賢書
副考給諫華東張公尤貴愛之延致家塾时公年十
八文名滿天下凡七上公車沈頓二十年与同郡陳
臥子張子美婁東潘受先張天如諸公主社盟三益

兩浙文風因之一變丁丑成進士授閩長樂令廉惠多
異政人私神以每入令城上甚有疑案爭屬公對簿
忘接不暇閱五年考治行高等擢吏部柴車未曳玉
步忽改遂息影林下無幾松鎮變起臥子自沈公扼腕
嘆曰國破君亡朋友溝壑我何心独活亦死之公丰神
秀羨弱不勝衣而意慮深長鯁斷有表正人倫總
持声氣之槩不狃文章領袖壁立河門也

陳子龍 崇禎丁丑科

陳子龍字臥子号轅符松江華亭人父所闕甲戌

進士以名宦稱自幼屬古文詞不屑比偶所作奉
子業常以散体行之士類翕然向風丁丑受知於
黃石奇乞多士高第授勳於子李尋憂去補紹興
以搏強豪保善類為主居官廉介有劉寤遺風癸
未婺州許都倡亂聚兵東陽令省震勅公請干是
使繕城墉募兵以禦又單騎入賊營諭降一時解
散如宗汝霖化楊俊故事拜吏部驗封司主事未
及任鄉里又三年丁亥公死于城西激湍中生平
善著述精于史學彙古文經濟為四編凡數百卷

詩宗太倉歷城而以李獻吉何景明彙之倡議闢
竟陵者自公始云

陳之遴

崇禎丁丑科

陳之遴字彥升号素菴浙江海鹽籍海寧人祖引
相丁丑進士官參政父祖苞癸丑進士官巡撫滿
源世學稱江東巨族甲子舉鄉試丁丑為黃幼玄
先生弟二苞奏名一甲賜榜眼及才授編修丁亥
補內翰林秘書院侍讀學士累官至大學士為文
根極理奧而出以醇雅不敷華設色嘗有中山韶

漢之氣亥子文風靡詭漸至倒瀾公力持文作以
先民規矩布告天下又操管構義啓迪均事已丑
以後剷淳蕪而返之清涼四海齊風五方合轍者
公之力也至於旂常鐘鼎昭然在覩自有彤管載
揚且將列子業更未可量於是集總萬一云

金堡

崇禎庚辰科

金堡字道隱号衛公浙江仁和人標槩迥特不屑
隨人步武於經史子籍靡弗淹貫為文才情奔軼
槩雋凝然變而不失為正以丙子舉鄉試以庚辰

人私舍試登進士明年授臨清知州平賦稅均徭役
政績具載碑記中尤好推獎後進州人士迄今猶
霑化雨清州地衝劇故多夫役迎送事偶或踈失
則譏切隨之公一以郵民甦驛為事不濫給恚者
中以飛泚即謝歸田里介錫未盡時汎詠房牘久
沐教海至是治予邑謬膺國士之知嘗作詩為贈
不啻父母師保也數年來姓名不掛仕籍亦未嘗
揖長吏接旌騎戶庭闕若無人介錫李浙教載終
不以謀面清夙高蹈大約可覩未敢或詳也

陳名夏 崇禎癸未科

陳名夏字百史南直漂陽人癸酉科於鄉太史丁
歐石遇以國士又十年見知於項仲昭先生以會
試第一人成進士為文骨清氣峻作嚴神永不施
工巧而覽之有色叩之有聲明時八十八會元在
洪武者七在永樂者八正如象儀雲壘不斲不鏤
穆乎太古之音也宣德正統景泰凡十進標絡涸
闕中天之運而天順夏陳吳三公乃扶玄探微命
意在鵝湖康河之間成弘一十四科楓山鮑菴行


宗天順之遺而本原於理密其後王梁趙儲恒奏
宮商彬質有其文斯所粘文明鼎盛者欽繼此
則正德嘉清前後二十科凡三變抑何青荻玄
醴燦然備觀也隆萬十八元振嘉末之衰興替時
有厥後偕天啓之壬戌乙丑蒐獵子史絕塵而奔
毋乃傷於氣乎崇禎六興科目稍挽頽靡未若古
初之盛固其時為之然若曹若吳若李若陳以斯
道為己任豈可謂凡教乎宗主乎嚮者稱元家授
受相承為派有大宗小宗之別歷覽始末良則有

然於斯編終以百史庶足盡一代元才哉

黃淳耀 崇禎癸未科

黃淳耀字蘊生号松崖南直嘉定人生平尚氣誼善談論嘗手熟二十一史至忠孝節義事則慷慨擊節嶽嶽鏗鏘繙咏不忍輟讀書陶菴摩鍊采子業歲二十餘年不售益攻苦夜讀必達曙以為常壬午亂於鄉明年捷南宮出山陰周文節房与同門謁房師於宮坊署中文節問曰諸公異日任天下事以何者為先室中皆默然相向公独厉聲曰

世才既已許國惟有捐軀報耳旋觀政都察院未及授官而歸甲申文節殉都門公少報曰吾師得死所矣終日泣不止又二年亦自縊天下聞而恤之公之為制義也善用史漢而原本六經亥子間風氣披靡都人士謂非松崖不能拯復鋟稿頒行以式天下公之有裨於斯道豈少哉



Vertical columns of faint, mostly illegible text in archaic script (Zhuanshu) on the right page. The text is arranged in approximately 10 columns, reading from right to left. Some characters are more distinct than others, but the overall content is difficult to decipher due to fading and the script's complexity.

The left page of the manuscript is mostly blank, showing signs of age, including foxing, staining, and some faint, illegible markings. There are several small, dark ink-like marks scattered across the surface, possibly from the binding or handling of the book.

